



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2022:208520

Datë: 04.10.2023

Numri i dokumentit: 04755111

**P.nr.2576/22**

**NË EMËR TË POPULLIT**

**GJYKATA THEMELORE NE PRISHTIË – DEGA FUSHË KOSOVË** - Departamenti i Përgjithshëm, Divizioni Penal, sipas Gjyqtares Laura Hoti Statovci, në lëndën penale të akuzuarit A. Sh. nga F. K., i akuzuar për veprën penale Posedim i paautorizuar i narkotikëve, substancave psikotrope ose analoge nga neni 269 par 1 të KPRK-së, duke vendosur sipas aktakuzës së Prokurorisë Themelore në Prishtinë – Departamenti i Përgjithshëm PP.II.nr.4347/22 të datë 11.10.2022, në seancën e shqyrtimit fillestar të mbajtur me datë 26.09.2023, në praninë e Prokurorit të Shtetit Lulzim Aliu, dhe të akuzuarit A. Sh., me datë 29.09.2023 mori dhe publikisht shpalli, ndërsa me datë 04.10.2023 përpiloi këtë:

**A K T G J Y K I M**

**I akuzuari:**

A. Sh., i biri i S. dhe Z., e gjinisë A., i lindur me ..., në P., me vendbanim në rr. N. T. – F. K., me numër personal ..., të dhëna këto të vërtetuara nga dokumenti i letërnjoftimit të lëshuar nga MPB, ka të kryer shkollën e mesme, i martuar, baba i një fëmije, i gjendjes së mesme ekonomike, Shqiptar, Shtetase e Republikës së Kosovës.

**ËSHTË FAJTOR**

**Sepse:**

Me datë 20.03.2022, rreth orës 00:25min në Fshatin D. K. O., gjatë një kontrolli policor kishin ndaluar një automjet të tipit “A.” me targa të regjistrimit ... të cilën e voziste i pandehuri dhe të njëjtit i kishin gjetur në posedim pa autorizim nga organi kompetent substancë narkotike, ngjyrë e gjelbër e cila pas ekzaminimit nga laboratorit i Agjencisë së Kosovës për Forenzikë ka rezultuar të jetë e llojit Kanabis (Marihuanë) që përmbanë Tetra hidrokanabinol me peshë prej 1.48 gram e cila është sekuestruar nga ana e policisë së Kosovës.

- Me këtë i pandehuri ka kryer veprën penale *Posedim i paautorizuar i narkotikëve, substancave psikotrope ose analoge* nga neni 269 par 1 të KPRK-së.

Andaj, gjykata në bazë të nenit të lartcekur dhe neneve 4, 7, 8, 9,10 par.1, 17 par.1, 21 par.1, 38, 39 par.1 nen par.1.1, 40, 43, 46, 47, 48, 49, 69, 70, 71 par.1 nen par.1.2 dhe 1.3, 72, dhe neni 269 par 1 të KPRK-së dhe neneve 240, 241, 242 par. 1 dhe 6, 358, 359, 360, 361 dhe 364 të KPPRK-së, të pandehurin A. Sh. e gjykon me:

## DËNIM ME BURG ME KUSHT DHE DENIM ME GJOBË

- I. Për veprën penale Posedim i paautorizuar i narkotikëve, substancave psikotrope ose analoge nga neni 269 par 1 të KPRK-së, të akuzuarit A. Sh., Gjykata i shqipton dënim me burg në kohëzgjatje prej tre (3) muaj i cili dënim nuk do të ekzekutohet në afat prej një (1) viti nëse i akuzuari gjatë kësaj periudhe nuk kryen vepër të re penale si dhe dënim me gjobë në shumën prej dyqind (200) Euro
- II. Nëse i pandehuri nuk e paguan dënimin me gjobë në shumë si më lart, gjykata do ti zëvendësoj të pandehurit dënimin me gjobë, në dënim me burg duke llogaritur 1 (një) ditë me 20 (njëzetë) euro të gjobës.
- III. Në bazë të nenit 269 par.1 të KPPRK-së konfiskohet substanca narkotike e llojit Marihuanë, me peshë të përgjithshme prej 1.48 gram
- IV. Pas plotfuqishmërisë së këtij aktgjykimi, URDHËROHET asgjësimi i substancës së cekur në pikën III të dispozitivit të këtij aktgjykimi, nga Policia e Kosovës në bashkëpunim me Prokurorinë.
- V. Obligohet i akuzuari që në emër të shpenzimeve të procedurës gjyqësore të paguaj shumën prej 20 (njëzet) në emër të paushallit gjyqësor, si dhe shumën prej 20 (njëzet) euro në emër të kompensimit të viktimave të krimit, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcënimin e përmbarrimit të dhunshëm.

### A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP.II.nr.4347/22 të datë 11.10.2022, ndaj të akuzuarit A. Sh. për shkak të dyshimit të bazuar mire se ka kryer veprën penale Posedim i paautorizuar i narkotikëve, substancave psikotrope ose analoge nga neni 269 par 1 të Kodit Penal të Republikës së Kosovës (KPRK-së, 06/L-074).

Gjykata, në këtë çështje penalo juridike ka mbajtur seancën e shqyrtimit fillestar me datë 26.09.2023, në prani të Prokurorit të Shtetit, Lulzim Aliu, të akuzuarit A. Sh., ku i akuzuari pas leximit të aktakuzës nga Prokurori i Shtetit, e ka pranuar fajësinë për veprën penale për të cilën akuzohet.

Pas deklarimit të akuzuarit, mendimit të prokurorit se nuk e kundërshton pranimin e fajësisë, pasi që një pranim i tillë bëhet në mënyrë vullnetare dhe se është i vetëdijshëm për pasojat e pranimin të fajësisë si dhe ky pranim i fajësisë është në përputhje të plotë me provat dhe gjendjen faktike si ne aktakuzë. Gjykata konstatoj se i akuzuari e pranon fajësinë në mënyrë vullnetare dhe pa asnjë presion, i akuzuari është e vetëdijshëm për pasojat dhe benifitet e pranimin të fajësisë për të cilat është njoftuar nga Gjykata, si dhe te gjitha kërkesat nga neni 242 par. 2 të KPPRK-se janë përmbushur. Ashtu që gjykata aprovon deklarimin për pranimin e fajësisë nga ana e të akuzuarit.

Duke pas parasysh se gjykata ka aprovuar pranimin e fajësisë nga ana e të akuzuarit dhe ka vërtetuar se nuk ekziston asnjë rrethanë nga neni 357 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga neni 242 par. 6 lidhur me par. 2 të KPPRK-së, atëherë ne këtë çështje penale nuk është zbatuar procedura e provave, por gjykata pas deklarimit të

akuzuarit se e pranon fajësinë në kuptim të nenit 242 par. 6 të KPPRK-së ka vazhduar me shqiptimin e dënimit.

Me faktet e ofruara si: Raporti fillestar i incidentit me numër 2022-AJ-0114 i datës 10.08.2022, Pprocesverbali mbi marrjen në pyetje të dyshuarit i datës 10.08.2022, raporti i njësisë së forenzikes i datës 12.07.2022, vërtetimi mbi sekuestrimin e sendeve i datës 20.03.2022 si dhe foto dhe provat tjera që gjenden të bashkangjitura në lëndë, është vërtetuar gjendja faktike si në dispozitiv të këtij aktgjykimi.

Nga gjendja e vërtetuar faktike si është përshkruar në dispozitiv të aktakuzës, rrjedh se në veprimet e të akuzuarit A. Sh. qëndrojnë të gjitha elementet e veprës penale Posedim i paautorizuar i narkotikëve, substancave psikotrope ose analoge nga neni 269 par 1 të Kodit Penal të Republikës së Kosovës (KPRK-së, 06/L-074).

Sa i përket fajësisë gjykata ka gjetur se i akuzuari e ka kryer veprën me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të akuzuarit, kështu që i njëjti është penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese në kuptim të nenit 70 të KPRK-së. Kështu si rrethana lehtësuese për të akuzuarin, gjykata ka vlerësuar faktin se i njëjti ka treguar sjellje korrekte gjatë shqyrtimit gjyqësor duke pranuar fajësinë, duke u ndier i përgjegjshëm për veprimet e tij dhe duke shpreh keqardhje për veprën që e ka kryer. Të gjitha këto rrethana kjo gjykatë i ka pranuar si rrethana lehtësuese në dobi të akuzuarit, ndërsa si rrethanë rënduese gjykata ka gjetur faktin e rrezikshmërisë së lartë shoqërore të këtyre veprave penale.

Andaj, duke vlerësuar këto rrethana, Gjykata në kuptim të nenit 70 të KPRK-së të pandehurin e gjykoi si në dispozitiv të këtij aktgjykimit, me të cilin do të arrihet qëllimi i dënimit. Gjykata në rastin konkret ka aplikuar dispozitën e nenit 71 të KPRK-së për zbutjen e dënimit, meqenëse rrethanat e lartcekura gjykata i konsideroj si rrethana posaçërisht lehtësuese.

Gjykata ka ardhur në përfundim se dënimi i shqiptuar të pandehurit është në përputhje me shkallen e përgjegjësisë penale të tij dhe me intensitetin e rrezikimit të vlerave të mbrojtura të shoqërisë. Gjykata gjithashtu ka konstatuar se me këtë dënim mund të arrihet edhe qëllimi i dënimit nga neni 41 i KPRK, i cili konsiston në parandalimin e të pandehurit nga kryerja e veprave penale në të ardhmen dhe rehabilitimin e tij, parandalimin e personave të tjerë nga kryerja e veprave penale, si dhe shprehjen e gjykimit shoqëror për veprën penale, ngritjen e moralit dhe forcimin e detyrimit për respektimin e ligjit në përputhje me nenin 38 të KPPRK-së.

Gjykata vendimi për kompensimin e shpenzimeve të procedurës penale dhe të paushallit gjyqësor e mori në bazë të nenit 449 par.2 pika 2.6 dhe 452 par.1 të KPPRK-së, ndërsa vendimi për kompensimin e viktimave të krimit duke u bazuar në nenin 36 par.3 nën par.3.1 Ligjit nr.08/L-109 për Kompensimin e Viktimave të Krimit.

Me sa u tha më lartë u vendos si në dispozitiv të këtij aktgjykimi, konform nenit 364 të KPPRK-së.

GJYKATA THEMELORE NË PRISHTINË-DEGA FUSHË KOSOVË,  
DEPARTAMENTI I PËRGJITHSHËM PENAL  
P.nr.2576/22, datë 04.10.2023

**Gjyqtarja e vetme Gjykuese**

---

**Laura Hoti Statovci**

**KËSHILLA JURIDIKE:**

Kundër këtij aktgjykimi palët kanë te drejtë të parashtrojnë ankesë në afat prej 30 ditësh, nga dita e pranimi të të njëjtit. Ankesa i dërgohet Gjykatës së Apelit në Prishtinë përmes kësaj Gjykate.

Numri i lëndës: 2022:208520  
Datë: 04.10.2023  
Numri i dokumentit: 04755111